

՚ի յիշատակ ծնողացն, և յաւարտ ածելոյ զշինութիւն Տաճարին՝ ՚ի Հայրապետութեան ամենայն Հայոց Տեառն Մակարայ. յամի Տեառն 1887 և Հայկական 4378»:

Ըստ որում Սաղիանի ժողովուրդը բաւական օգնութիւն են հասցրել Տաճարիս շինութեանը, ուստի և իրաւունք են ունեցել Տաճարի հիւսիսային պատի վերայ փորագրել տալ հետեւեալ արձանագրութիւնը:

«Հիւսիսային որմն Սրբոյ Տաճարիս շինեցաւ օժանդակութեամբ Հասարակութեան Սաղիանի գեղջ ընդ վերակացութեամբ Սահակ քահանայի Յունանեանց ՚ի թուին Հայոց 1335—և փրկչական 1886 ամի»:

Իսկ ես լսելով և Տաճարի շինութեան տօմարի մէջ կարդալով, որ Բաղուարնակ հանգուցեալ Թաղէոս Աւագ քահանայն Բուդաղեանց և յարգոյ եղբարքն, նոյնպէս և մեծապատիւ Գէորգ Յովհաննիսեան (Եագօր Իվանիշ) Քալանթարեանցն՝ ամենքը հինգ հարիւր ռուբլի են նուիրել Տաճարիս շինութեանը, և տեսնելով, որ սոցա յիշատակը արձանագրելոյ համար յատուկ քարեր են պատրաստուած տաճարի հարաւային պատի վերայ, ինչպէս և յիշեցրին ինձ Սաղիանի Արթ. Սահակ քահանայն և մեր վիճակային Ատենի Ատենադպիր յարգոյ Արքահամբէկն Ըահվերտեանց, ուստի, և փորագրել տուեցի այն երկու պատրաստած քարերի վերայ յիշեալ նուիրատուաց անուանքն հետեւեալ արձանագրութեամբ.

«Օժանդակեաց շինութեան Տաճարիս հինգ հարիւր ռուբլի զրամօք բաղուարնակ Թաղէոս Աւագ քահանայն Բուդաղեանց և եղբարք նորին Մովսէս, Եղիա և Ենովք, յամի տեառն 1380»: